

卷六

書名 錦繡萬花谷後集四十卷 嘉靖十五年序錫山秦汴鑄石
書堂刊本後修
撰者 宋 闕名 撰
卷 卷六
內容分類 子-類書-彙考-宋
索書號 大木-子部-類書類-31
編號 C5924800

[彩色首頁1](#)

[東洋文化研究所漢籍目錄 編號: C5924800](#)

[東洋文化研究所漢籍目錄所藏漢籍善本全文影像資料庫 索書號: 大木-子部-類書類-31](#)

[漢籍善本全文影像資料庫文本錦繡萬花谷後集四十卷 嘉靖十五年序錫山秦汴鑄石書堂刊本後修](#)

版權所有: [東京大學](#) [東洋文化研究所](#)
[使用上的注意事項](#)

錦繡萬花谷後集卷之四

元日

微陽始布聲無不宜和神養素
上義之月儀書曰日往月來元正首祚太簇告辰

端月
上燭寶典云元正端月

傳土
唐長安風俗每至元日已後遞飲酒相邀迎號

傳
出法苑珠林

放
鄆以正朝獻雀於趙王而綴以五綵王大悅

申
子順子順曰正朝放之求有生也 出初學記

膠
日食膠牙錫取膠固之義 出荆楚歲時記

武帝正月賜群臣却鬼丸 出碎事

金門歲節曰洛陽人家正旦造絲鵝蠟燕粉



成曲沼清澈見肝腸潏瀉爲長溪奔駛蕩蛙蠃○虎移
泉眼趁行脚龍作派花供撫掌蚺出東古郡帶荒山寒泉
出西郭嘈嘈幽響逐袞袞清光活出蘇百尺青梧桐下
有寒泉井分明古鏡中照見梧桐影朝汲水花清暮汲
水花冷願持沆瀣杯遠寄蓬山頂出鄭穀夫

西化谷後集卷之五

錦繡萬花谷後集卷之六

臨安

西部漢書曰錢塘西部都尉居之

東安吳志曰黃武五年丹陽會稽吳郡小寇攻沒諸縣
乃分三部之要害地置東安郡居富春

龜孫權時獲一大龜持獻吳主夜宿越里繫船於
大桑樹樹呼龜曰元緒奚事爾耶龜曰行不擇日今方
見烹雖然盡南山之柴不能潰我出異苑

人化鶴孫鍾以種瓜爲業有三少年詣鍾乞瓜曰此山
下善可作塚當爲定墓鍾隨下山三十步三人悉化成
白鶴飛入空中即孫堅所葬地也

扈吳都記曰松江東瀉海口名曰扈瀆地志曰扈

業者濱海漁捕之名挿竹列於海中以繩編之向岸張兩翼潮上即沒潮落即出魚隨潮旋竹不得出名之曰

扈

鹽田輿地志曰海濱廣斥鹽田相望吳越海為鹽即鹽

官縣境也

包山玄中記曰吳西具區澤中有包山有洞庭室

于隧戰國策曰越山散卒三千擒夫差於于隧吳縣西北有地名于隧是也

鎮江

東府山謙之丹陽記曰東府城地則晉簡文為會稽王時第東則丞相會稽王道子府道子領揚州故俗稱東

府

西州丹陽記曰揚州解王敦所創開東南西三門俗謂之西州

蔣陵丹陽記曰蔣陵因山以為名吳大帝陵也輿地志曰臺當孫陵曲衍之傍故蔣陵亭亦名孫陵亭

蔣廟丹陽記曰蔣子文為秣陵尉自言已死當為神為賊所殺故吏忽見子文乘白馬如平生孫權發使封子文為都中侯立廟鍾山因改為蔣山

湖州

衡山左傳曰楚子重成吳克鳩前至于衡山在烏程南橫古衡字

吳興記曰河口山東濱大溪西帶長瀆

若下吳錄云長城若下酒有名溪南曰上若北曰下若並有村村人取若下水以釀酒醇美勝雲陽

吳興記曰風者南三十里曰嶠中即嶠山也

常州

倉蠹孔氏志惟云義興有白額獸溪渚長橋有蒼蛟并周處爲三害

白額穴長橋下有白獺若將有兵獺出穴口四望而嗥舊言有神出風土記

嶠山多縱石而有橫嶼以承衆流出風土記

長塘洮湖即長塘湖出輿地志

越州紹興府

石帆山射的北有石帆壁立臨水漫石宜山遙茫茫

有似張帆又名王笥山又曰石簣山出會稽志

山陰南湖紫布郊郭白水翠巖互相映發若鏡若

圖故王逸少云山陰上路行如在鏡中遊出輿地志

銅溪昔歐冶子涸若耶之溪而出銅破赤堇之山而出錫出會稽志

台州

丹洞登真隱訣云赤城山下有丹洞在三十六洞天數其山足丹

赤城名山路記云赤城山一名燒山東卿司命君所居洞周迴三百里上有玉清平天

金庭道書曰天台山其上八重視之如一中有金庭不死之鄉

王國許邁與王逸少書曰自山至臨海多有金堂玉室仙人芝草

婺州

銅釜 吳時軍士五百人破湖得銅釜發之水便暴出即五百人湖也 出異苑

石甌 崑崙山頂有一孤石可高三十丈其形似甌人謂之石甌 出東陽記

宣州 寧國府

吹山 江寧縣之慈姥山在當塗縣北 出丹陽記

舒姑泉 登蓋山百步有泉昔有舒氏女與父析薪於此山忽坐處處牽挽不動父遽告家比來唯有清泉湛然因名舒姑泉 出宣城記

徽州

郭璞注山海經曰玉山 浙江水出其邊

歙縣靈山 甚高峻有圓石高數丈上有石蓋

黟縣南有五畝二礫 兩邊皆壇石中央有溝裁五尺許水甚懸迅 出輿地志

黟縣東有靈山 山有三峯名爲三姑山三年一遇野火白燒百姓放火輒降雨不燃

饒州

弋陽嶺上多蜜巖 宋元嘉中有人見其巖內三鐵鑊鑊各容百斛中生蓮花他人往尋不知所在 出鄱陽記

梅池 宋初山川記曰廣陵縣東有梅池

鄱陽西有望夫岡 昔縣人陳明與梅氏爲姻未成而妖魅詐迎婦去明詣卜者訣云西北行五十里求之

明如言見一大穴深邃無底以繩懸入遂得其婦乃令婦先出而明所將隣人秦文遂不取明其妻乃自擔執志登此岡首而望其夫因以名焉出鄱陽記

子石九子石在弋陽水左岸間相去數十步石形似印

楚州

射陂廣陵王相勝之奏奪王射陂草田賦與貧人

鹽漬鹽漬屬臨淮郡並出漢書

壽州

羊頭澗水經注曰肥水左合羊頭溪水受芍陂謂之羊

頭澗

龍泉伏滔正淮論曰彼壽陽者視龍泉之良嘯萬頃

吳使孫綝大發卒中鏤里出吳志

霍山山下有洞臺方二百里有二門其中有五香芝

飛華之實出黃庭經注

泚水東北右會踏鼓川水

八公山有隱室石井並出水經注

廬州

廬江郡故廬子國出應劭漢書注

廬江大縣東有舒城

朱邑為桐鄉嗇夫廉平有恩惠病且死屬其子曰

桐鄉人愛我必葬我於桐鄉出漢書

楚為疆城巢輿地志曰楚名為巢邑出左傳

嚴州

吳大帝使賀齊繫黥歙山賊定立新都郡輿地

志曰郡城賀齊所創也

出吳志

嚴陵嚴光字子陵耕於富春山後人名其釣處為嚴陵

淮出東觀漢記

處州

東甌惠帝立閩君搖為東海王都甌

出漢書

西隗山東接安固西接松陽

出永嘉記

江州

彭澤縣屬豫章郡彭蠡澤在西

出漢書

敷源過九江至于敷淺源

出尚書

廬山匡俗出於周威王時生而神靈隱淪潛景廬于此

山俗稱廬君故山取號焉

出廬山記

盆水盆水出青盆山因以為名

滯山雙流而右灌潯陽東北流入江潯陽記

隆興府

銅坑西山周回三百里此山時有夜光遠望如火氣輿

地志曰此為銅之精光也

劍窟豐城縣獄後有雷孔章掘神劍窟方七八丈

出豫章記

然石建城縣西有羊山有然石色黃白而理疎以水灌

之便熱可煮物故謂然石

出宋永初山川記

熱泉皮縣有熱泉如湯以生物投之須臾爛熟

出山川記

吉川

次野昔豫章太守賈萌與安城侯張普爭墳戰於新茨

之野即茲地也

安城郡渚江川發源同會落亭石上有芝草下有紫磨

金並出安城記

山都廬陵太山之間有山都似人裸身見人便走自有男女可長四五尺能嘖相喚常在幽昧之中似魍魎鬼物

木客廬陵有木客鳥大如鵲千百為群不與眾鳥相廁云是木客化作並出異物志

贛州

金鷄雲都縣有金鷄石傍有穴宋永初中見金鷄棲翔此穴頗時飛鳴

石鴈覆笥山平湖中有石鴈浮在水每至炎氣代序則飛翔若知感候並出南康記

石城歸美山有石城高數丈有二石夾左右石形松實如雙闕出輿地志

梓潭昔有梓樹巨圍葉廣丈餘垂柯數畝吳王伐樹作船使童男女挽之船自飛下水男女皆溺死至今潭中時有歌唱之音出南康記

撫州

井東興人家曾以木甌沉井中乃流出連樊溪甘渚得之此泉穴相通也出臨川記

五章山絕巖險峭有蜜蜂依之為房其形如筍登者皆懸磴數丈然後得至其所

石人虛谷東英巨山巖內有石人坐磐石上體上塵穢則與風濕潤則致雨晴日便舉體鮮潔朗然玉淨

磨姑山上人登之有物人形眼鼻口面無臂脚俗呼為楓子鬼並出臨川記

袁州

米砂鍾山臨水阻峽春夏則湍洑沸涌濱上有沙如米兩岸各十餘斛呼曰米砂以之候歲若一岸偏饒則其方豐穰出安城記

殷斌石室記曰第三室高十丈餘者粗相似皆素壁若雪則萬象森羅

宜春泉水地道記曰春縣出美酒隨歲貢上饌羅宵山有石井天旱祠之以木投井即雨至井溢木出乃雨止出安城記

鄂州

夏口江中有鸚鵡洲出輿地志城東南角有岡名鳳闕吳時有鳳集之因以為名

武昌

離騷云乘鄂渚而反顧

樊口云東有樊山出武昌記

岳州

秦始皇浮江至湘山出史記

沅水注洞庭湖中方會於江也出水經注

君山有地道郭璞江賦曰爰有包上洞庭巴山地

道出湘中記

洞庭山帝女居之常漣沅澧之交滿湘之泉是在九江之門出山海經

潭州

橫渚對岸古城孫權遣程普所立出湘中記

橘洲橘洲在郡南對南津常看如下及至夏水懷山渚洲皆沒橘洲獨在出輿地志

衡州

青壇祝融峯上有青玉壇方五丈有蓋香行道處出湘記

衡山有峯名曰華蓋又一名紫蓋出輿地志

青口都溪又西北流入營水謂之青口出湘記

蘭巖山其路危阻近絕人迹登其山有石路松林焉杳然便是雲霞中館宇矣出王韶之神墳記

澧州

天門角上各生倒垂下一竹拂謂之天門出荆州圖記

其上出吳錄

郴州

熱石輿地志曰臨武縣山有熱石置物其上立焦

溫泉荆州記曰郴縣溫泉下流有田資以溉灌常十二月下種至明年三月新穀便登

常德府

龍池謝承為武陵守時有黃龍見郡東水中拜表上賀因號龍池

江陵府

鶴澤劉義慶世說曰晉羊祜鎮荆州於江陵澤中得鶴教其舞動以樂賓友

辰州

葱嶺沅川有孤山巖石崔嵬大有葱如人所種常時往取援輒斷絕請神而求不挽自出武陵記謂之葱嶺沅川記

茗山茗山九牲嶮峻木多松獸多熊豹出荊州圖副

石牀文斤山有石牀方高一丈四面綠竹扶疎常隨風委拂出湘洲記

雲水邵陵水東會雲泉出水經注

浪水浪水出武陵鍾城北界山谷荊州記謂之浪溪注經

舞溪舞溪東溪注沅西接牂河

涪州江中有銅柱灘出周地圖記

神窟黃葛峽有相思崖芳泉周灌浴謂之神窟出益州牂州

桂浦漢武帝平南夷置牂牁郡郡有桂浦關

石關華陽國志且蘭縣西南有石潼關

揚州雷陂有臺高二丈南交州記曰以為吳王渾之釣臺也出西征記

和州建興浦朝夕恒淤濁一朝清徹太守范滂表以為瑞

出南交州記

豐州 江水北合烏江縣之豐浦上通湖池

次得陰塘水同受皇后湖湖水連接苞湖西翼澤湖 出水經注

濠州

鵲車溪水西北流經鵲南亭南 出水經注

常塗有馬丘聚徐鳳反於此 出續漢書

舒州

破虜磯東有趙中軍內有倉

江水對雷州之北有周瑜廟 並出水經注

蘄州

九江英布於翻車水北以築翻車城 出中記

江水又東經積布山南俗謂之積布磯 山水經注

光州

楚人伐弦弦奔黃十三州志曰轂城故弦子都也 出左傳

陽郡東有虞丘郭南有伍子相廟 出水經注

申州

淮南子曰何謂九塞大分冥阨荆苑方城豪阪井 隱全疵句注居庸也

後魏置平靖關於義陽故云義陽有三關之塞此 其一焉 出齊志

安州

自漢口入二百里得涓口有村入三百里得鄭城 楚邑也 出漢水記

新城安陸縣東有新城桓溫征石季龍所築南臨涓水

出輿地志

龜頭山舉水出龜頭山

龍驤水江之左岸會龍驤水口 並出水經注

廣州

浦潤熙安縣東北有菖蒲潤咸淳中姚成甫潤側遇一

丈夫曰此菖蒲安期先生所餌可以不老

蘭湖番禺北有芝蘭湖並注西海 並出南越志

連州

斯溪西通淮水其穴若井或枯涸彌年或一日十

盈十竭若潮水焉 出潮州記

泉山有峭壁高竦連阜絕石泉懸注瀑布飛流

韶州

勞口東岸有石四方而高百餘步其狀若臺 出始興記

林水源出盤石上羅列十甕皆蓋以青盆中悉銀

瓶有人遇之者得開觀而不可取取輒失路迷悶欲死

循州

縣名屬南海郡 出漢書

羅浮山有石樓石帶牛額山左據龍尾 出南越志

潮州

文具潮陽南有小水注海濱帶曾山其中多文具可以

解毒 出南越志

龍溪謂之盤龍蛇青黑色赤帶錦文隨瀆漢水而

入于海有毒傷人輒死

泉州

靈江從餘姚至海二千里過溫麻江有一江名靈江

志地

神草霍山有神草三十四種出道書

建州

建安三年以會稽南郡為建安郡出吳志

肇慶府

石室高安石室自生風惘南北二門狀若人功意者以

為仙都 出南越志

高安有竦石廣六十餘丈高二百許仞士人謂之

高安

德慶府

端溪有端山山有五色石石上多香水出吳志

岑溪端溪俚人岑班入山遇一寶珠徑五寸取還夜光

明照燭俚人甚懼以火燒之雖子損猶照一室出南越志

岡州

香林盆元縣利山上多香林

綸木威寧縣有穿州其上多綸木似殼皮可以為綿出

南越志

梧州

蒼梧蒼梧郡武帝元鼎六年開出漢書

斑石廣信縣之畫鄉有孤巖巖有斑石石皆五色出輿地志

賀州

臨水經臨賀縣東又南至郡左合賀水出湘洲記

富川富川縣屬蒼梧郡出漢書

交州

鼓給桂林郡上分鼓給交趾郡擊一鼓則二鼓皆鳴地志

田南方地氣暑熱一歲田三熟冬種春熟春種夏熟夏種秋熟秋種冬熟出廣志

橫州

蘇嶠寧浦郡東南有蘇摩嶠屈瑯出南越志

麻類沙麻類在寧浦郡南郡即類之北垠出道理記

峯州

狼野人居無室依樹宿止出林邑記

養令縣有大竹數圍可用為屋梁柱覆用之則當出南正八郡志

受州

蟻居風縣有蟻聚藤人視土中知有蟻聚發以木皮插其上則蟻出緣而生漆出吳錄

鷄潮移風縣有潮鷄鳴長旦清如吹角每潮至則鳴一

名林鷄

驩州

咸驩咸驩縣屬九真郡出漢書

都沃都沃縣屬九德郡晉太康地志

崖州

海中武帝立珠崖郡在南方大海中居廣袤千里出漢書

儋州

儋耳武帝元鼎六年定越以爲儋耳郡出漢書
儋耳儋其類及上連耳匡分爲數支狀似鷄腸累

高州

朱崖海中多朱鼈狀如肺有四眼六脚而吐珠
平定縣東巨海有駢馬似馬牛尾一角並出南越

襄陽府

南峴襄陽本楚之下邑桓溪帶其西峴山亘其南出襄陽記
峴山南八百步西下道百步有習家魚池出襄陽記

荊州

雲澤春秋文耀鉞曰大別以東至雲澤九江衡山荊州
今按卽雲夢澤也

景州魏將夏侯尚圍南郡作浮橋度景洲今在江陵
縣界出吳志

隨州

厲鄉楚伐徐齊師代厲以救之杜預注曰隨縣北有厲
鄉出左傳

春邑元帝以春陵卑濕割蔡際之白水二鄉爲春陵侯
邑

復州

馬水龍居縣南有馬水出南雍州記

鼉湖出荆州記汚陽縣東三十里有鼉湖

峽州

獸牙獸牙山有石壁其文黃赤色有牙齒形出宜都山記

狼尾勾將山記曰縣去山四十里別從狼尾灘下南崖

夔州

白鹽峽峽之首北岸曰白鹽峯中黃龍灘水公沂所忌

出荆州記

白帝山白帝山北接緣馬額接赤甲山出水經注

渝州

明月峽巴郡江州有明月峽峽首南峯石壁有圓孔形

如蒲月因以爲名

黃帝山黃帝於上合神丹故山得名焉出緇雲山傳

梁州

牛道秦王未知蜀道乃刻石牛五頭資金於尾下言此

天牛能糞金蜀人信之乃令五丁共引牛成道今在襄

城縣界

興州

落聚郡武都鳴水二縣屬東益州出後魏書

泉街泉街水出河池東南入沮縣出不經注

合州

銅梁外負銅梁宏渠內函要害膏腴出左思蜀都賦

石門龍盤山南有石長三十丈高五丈當中有戶及扉

若人掩閉古老以爲玉女房出益州記

利州

金溪益昌縣東山西北有金銅溪溪出金因以為名梁

記州

銅水葭盟縣南十里有刀環山赤銅水出焉出益州記

益州城都府

蠶叢揚雄蜀本記曰蜀始王曰蠶叢次曰伯雍次曰魚

鳧

杜宇十三州志曰蜀王杜宇自號望帝

綿州

銀水華陽國志曰涪陵有犴山水其源有金鑛

金山山東臨澗水光照映川出益州記

劍州

飛梁諸葛亮相蜀鑿石架空為飛梁閣道即古劍閣道

綿水至江陽縣方山下入江謂之綿江出水經注

蘇初縣西北有泥池案今曲池是也係舊州出應

漢書

成州

伏犀灘伏犀灘東南六十里有黃魚像岸今在棘道縣

界

騰龍水龍騰溪水源出南溪縣並出益州記

秦州

黑水出黑城北西南經黑城西莫吾川

朱圉尚書曰西傾朱圉鳥鼠至于太華並出水經注

渭州

襄武縣有五鵝聚出漢書

渭水東南流經首陽縣南左則大馬溪水參差異注出水經注



